

हायुंआरि थुनफावथाय फरायसालि

बोखावनाय: मोनसे दुखुनांथाव जाथाय

स्क्रिप्ट: ड. प्रकाश झा

नुथाय: मोनसे जाथाय जागासिनो...

मेथाइ : फैं गथ'फोर, आं नोंथांनो दिन्थिना होनि, हिन्दुस्ताननि मोनसे नुथाय..

. बे हाखौ फोथा ला , बे हादोरा बावसोमनायनि ...

वंदे मातरम... वंदे मातरम...

फैं गथ'फोर, आं नोंथांनो दिन्थिनो होनि, हिन्दुस्ताननि मोनसे नुथाय...

बे हाखौ फोथा ला, बे हादरा बावसोमनायनि ...

वंदे मातरम... वंदे मातरम...

गथ' : आबौ ..आबौ नोंथाडा खोनादों ना बेसोर बेसेबां मोजां मेथाइ खनगासिनो दं।

आबौ : वंदे मातरम ...वंदे मातरम ... सोदोबआनो औरैबायदि जायखौ जावले जावले खननो, खोनासंनो गोसो जायो।

गथ': आबौ .....बिसोरो दिनै बे मेथाइखौ मानो खनगासिनो ?

आबौ : बिसोर 14 आरो 15 आगस्तनि थाखाय साखाफारा खालामदों।

गथ': आबौ 15 आगस्तखौथ' मिथिगौ आं उदांसि सान होननानै नाथाय 14 आगस्तखौ मानि थाखाय?

आबौ: 14 आगस्तआव जोंनि हादरा बोखाव जादोंमोन , बेखायनो जों बे सानखौ ' बोखावनायनि दुखुनांथाव गोसोखांथि।

सान' महरै फालियो।

गथ': नंमारगौ ना आबौ, बे 'बोखावनायनि दुखु नांहाबनाय जाथाइ'या मामोन आबौ।

आबौ: बोखावनायनि ओंथिखौ बुजिया ? जेब्ला बोखावनायनि ओंथिखौनो बुजिमोनाब्ला दुखु नांहाबनायनि ओंथिखौ मात्रै बुजिनो हानो ? नै फिसौफोर....बे जोंनि हादोरा सिगाडाव जोबोद गेदेरमोन। नाथाय उनाव बेखौ बोखावनाय जाबाय।

गथ' : बेनि ओंथिया राननानै होनाय नामा?

आबौ: औ राननानै होबाय नाथाय राननाय....बोखावनाय गुबुन गुबुन। हमना ला नौनि आखाइयाव मोन 10 सकलेट दं।

बेखौ नौंझे गावजोगाव सानैजौ राननानै लानांगौब्ला मात्रै रानगोन? मोनबा- मोनबा रानगोन नडाहोमब्ला...

दानिया सानदो नौनि आखाइयाव थरसेल' सकलेट दं.... अब्ला मा खालामगोन?

गथ' : आं बेखौ सिम्फायनानै मोननै बाहागोआव रानना होगोन।

आबौ: फिसौ ...सिम्फायनाया ...बेखौ बायफले होनाय...बेनो बोखावनाय । आरो बेयाव

जेबायदि साखांनाय मोनो...जेबायदि सहायनाडो बेनो दुखुनांहाबनाय ।

गथ': आबौ ...बे बोखावनायखौथ' बुजिनो हाबाय .... नाथाय बे दुखुनांथाव .... बोखावनाय ... दुखुनांथाव

आबौ: फे खोन्थानि आं ....

मेथाइ: फे गथ'फोर, आं नौंथानो दिन्थिना होनि, हिन्दुस्ताननि मोनसे नुथाय..

. बे हाखौ फोथा ला , बे हादोरा बावसोमनायनि ...

वंदे मातरम... वंदे मातरम...

फे गथ'फोर, आं नौंथानो दिन्थिनो होनि, हिन्दुस्ताननि मोनसे नुथाय...

बे हाखौ फोथा ला, बे हादरा बावसोमनायनि ...

वंदे मातरम... वंदे मातरम...

गथ': आबौ... जौनो मोजाडै फोरमायना होदोना ... बे बोखावनाया मानो जायामोन ?

आबौ: आं खिन्थानोसै... खिन्थानोसै ... बोखावनायनि सोमोन्दै ... जौनि हादरनि बोखावजानायनि सोमोन्दै आं खिन्थानोसै... गोसो होनानै खोनासं ... बोखावनायनि सोमोन्दै जारिमिन लिरगिरिफोरनि नोजोर बोनायाखौ गोसोखौ दिदोम लाखिनानै खोनासं... गोसो होसोमनानै खोनासं आरो बेखौ बुजिनो नाजा...। जौनि हादरखौ धोरोमनि मुडाव खावने बाहागोआव बोखावना होदो । लाख लाख मानसिफोरा हरै बारैनिफ्राय औरै, औरैनिफ्राय हरै बारै खारनो हमदो। फारफ्रोमथिंजाय खारला-खुरला जानो हमबाय । लाख लाख मानसिफोरा न'गैजायै जानांबाय .....

मेथाइ: जेराव मोजां मोन्नाया नेमखान्थि जानानै दं,

आं बै जायगानि खुगा मेथाइ रोजाबो।

आं भारतनि थागिरि,

आरो बेनिखायनो आं भारतनि बाश्चा बुडो।

बेखेवगिरि 1: भारतनि बोखावनाया जाफेरै सुबुं जायगा सोलायनाय आरो नारसिनानै हाबफैनायनि मोनसे दुखुगोनां सल'।

बेखेवगिरि 2: बेयो औरैबायदि मोनसे सल' जेराव लाख-लाख सुबुंफोरा सिनायमोनै सुबुंफोरनि गेजेराव आबुडै सिनायमोनै आरो सुथुर आबहावायाव मोनसे गोदान न' नागिरगासिनो दंमोन।

बेखेवगिरि 1: औ फोथायनाय आरो धोरोमारि बिथायाव बिथा खालामनाय मोनसे हिंसायारि बोखावनायनि सल' जानायनि अनगायैबो, बेयो मोनसे सल'बो..

बेखेवगिरि 2 :... माबोरै मोनसे जिउनि थांना थानायनि राहा एबा गोदो गोदायनिफ्राय लाफानानै - थाफुंथानि मुगाया हरखाबै थुनफावथायारि महरै गोमोर लांबाय ।

बेखेवगिरि 1 : दजि लाखसो मुसलमान नडिफोरा बै ओनसोलखौ नागारबोदोमोन जाय उनाव सोनाबारि पाकिस्तान जादोमोन।

बुंथिगिरि 2: 65 लाख मुसलमानफोरा हिंसानि थाखाय पान्जाब आरो दिल्ली बायदि भारतारि ओनसोलनिफ्राय सोनाब पाकिस्तानाव थांदोमोन।

बेखेवगिरि1: नैजि लाख मुसलमान नडिफोरा सानजा बँगलनिफ्राय सोनाब बँगलाव थांदोमोन, जाय उनाव सानजा पाकिस्तान जादोमोन।

बुंथिगिरि 2: 1950 मायथाइयाव नैजि लाख आरोबाव मुसलमान नडिफोरा सोनाब बँगलाव फैदोमोन।

बुंथिगिरि 1: जि लाख मुसलमानफोरा सोनाब बँगलनिफ्राय सानजा पाकिस्तानाव थांदोमोन।

बुंथिगिरि 2: बे दुखुनांथाव गिखंथाव जाथायाव थैनाय सुबुंफोरनि अनजिमाया बा लाखसो जागोन होनना फोरमायनाय जादो।

बेखेवगिरि1: अदेबानि, अनुमान खालामनायनिफ्राय मिथिनो मोनो दि बे अनजिमाया बा निफ्राय जि लाखनि गेजेराव।

मेथाइ: मेगननिफ्राय बोहैबोनाय , बे दुखुनि मोदै

मेगननिफ्राय बोहैबोनाय, बे दुखुनि मोदै  
नागारनांनाय जिउ, खोमानांबाय लोगोफोर।  
नागारनांनाय जिउ, खोमानांबाय लोगोफोर।  
मेगननिफ्राय बोहैबोनाय, बे दुखुनि मोदै  
मेगननिफ्राय बोहैबोनाय, बे दुखुनि मोदै  
नागारनांनाय जिउ, खोमानांबाय लोगोफोर।  
नागारनांनाय जिउ, खोमानांबाय लोगोफोर।

गथ': आबौ ... बिसोरनि न' बांफोर गासैबोआनो सेजा जोबदों। आंथ' खोनानानैनो गिखांनायसो मोनबाय।

आबौ: बेयो थारैनो गिथावनाखा फिसा... सानना ला दि जायफोरा बेनि गेजेरजों जिउ खांदोंमोन बिसोर मा बायदि मोनदांदोंमोन जानांगौ?

गथ': आबौ... बै समाव आं बायदि गथ'फोर दंमोन जानांगौ... बिसोरनि हालोदा माबायदि जादोंमोन बेबा?

आबौ: औ, रोजा रोजा गथ'फोरा बेखौ नुदोंमोन, आरो बै बुब्लिफोरनि गोसोखांथिया माब्लाबाबो बिसोरनि गोसोनिफ्राय जानगारनो हायाखैमोन.... दिनैसिमबो, जेब्ला बिसोरो बै नुथायफोरखौ गोसोखाडो अब्ला बिसोरो गोजांसिउओ आंनि फिसौ।

गथ': जोंनो आरोबाव खोन्थाबाव आबौ।

आबौ: खोन्थागोन दे आं... अब्ला खोनासं फिसौ ...

मेथाइ: बेयाव नाय बेंगला बेयाव दं, जेरैथिंबो सोमखोर आरो गोथां,

बेयाव साफ्रोमबो गथ'फोरा गावनि हादोरनि थाखाय थैनो थियारि

फे गथ'फोर, आं नोंथांनो दिन्थिना होनि, हिन्दुस्ताननि मोनसे नुथाय..

बे हाखौ फोथा ला, बे हादोरा बावसोमनायनि ...

वंदे मातरम... वंदे मातरम...

वंदे मातरम ... वंदे मातरम...

फोरोंगिरि: सिट डाउन...

फरायसाफोर : गुड मॉर्निंग सर...

फोरोंगिरि : गुड मॉर्निंग

फरायसाफोर : सर...खोनासंना...नोंथाडा बोखावनायनि सोमोन्दै माबा खिन्थादोंमोन...

नोंथाडा बुंदोंमोन दि गोबां मुवा खोमानांदोंमोन... दानिया खिन्थाबावदोना बोखावनायनि सोमोन्दै

उनाव मा जाबावा....

फोरोंगिरि : 20 फेब्रुआरि, 1947 मायथाइयाव ब्रिटिश गाहाय मन्थि क्लेमेन्ट एटलीआ हाउस अफ कमन्सआव  
फ फोसावदोंमोन....

सेथि फरायसा : सर ...बेनि उननिखौ आं खिन्थनोसै ...आंबो मिथिगौ ...

फोरोंगिरि : दे बिदिब्ला ...खिन्थादो...

सेथि फरायसा : दे... बिदिब्ला लोगोफोर ..सोरखारा 30 जुन , 1948 नि सिगाडाव ...

फोरोंगिरि : ओई पूनम...बैयाव मानो ...बेहाय फैनानै खिन्था बयनोबो...

सेथि फरायसा : जागोन सर...

बिदिब्ला लोगोफोर ...सोरखारा 30 जुन, 1948 मायथाइनि सिगां गोहोखौ बोस्लायनो आरो भारत  
नागारनो थिरांथा लादों।

नैथि फरायसा : सर आं ..

फोरोंगिरि : दे खिन्था...

नैथि फरायसा : जिखिजायामानो, बोसोरसे सिगां लर्ड माउन्टबेटना गासै बिखान्थिखौ गोख्रै खालामखादोंमोन।

थामथि फरायसा : नंगौ सर ... लर्ड माउन्टबेटना लन्दननिफ्राय गोहो बोस्लायनायनि गनायथि मोन्नायनि  
उनाव 31 मे, 1947 मायथाइयाव गोदान दिल्लीयाव फैफिनदोंमोन।

ब्रैथि फरायसा: आंबो गोसोआव दं.... 02 जुन, 1947 मायथाइयाव, बोखावनायनि बिथांखिनि सायाव मोनसे

जारिमिनारि जथुमा गुवारै गनायथि जादोंमोन।

बाथि फरायसा : थारैनो सर ... भारतखौ बोखावनायनि थिरांथाया मोनसे सिगांनि सर्त बायदि मोन।

भारत बायदि हादखौ धोरोमारि बिथायाव बोखावनांगौनि बे सानसिखौ गुवारै हँथा होदोमोन ।

सेथि फरायसा: बेखौ बुंनाय जायो दि जाय दैदेनगिरिफोरा बे बोखावनायनि थाखाय गोसोआरि महरै  
थियारिमोन, बिसोर बैसोरमोन जाय बेयाव गावसोरनि मुलाम्फा आरो मोनसे गोर्जो इयुनखौ नुदोमोन।

फोरोंगिरि : वाह बास्त्रायथाव फरायसाफोर...नोंथांमोनहा माथो गोबां बाथ्राखौनो माथिखायो... दानिया उननि

थाखोखौ जों जागायदिनि, बेनि सिगां फिसा ब्रेक लागोदिनि....

फरायसाफोर : जागोन दे सर ....

मेथाइ: वंदे मातरम , वंदे मातरम

वंदे मातरम , वंदे मातरम

वंदे मातरम , वंदे मातरम

वंदे मातरम , वंदे मातरम

बेखेवगिरि 1 : फंबाय , बोखावनायनि सोमोन्दै नों मा सानो ?

बुंथिगिरि 2: आदा, बोखावनायखौ थुलुंगा होनाया समाजाव जौगानाय लाबोगोन। गुबुन-गुबुन हारिफोरा  
गावसोरनि मोनथायखौ मोनगोन।

बेखेवगिरि 1 : नडा नडा बोखावनायजों बे बायदी जेबोआनो जानाय नडा , खौसेथिजोंसो समाजनि जौगाथाया  
फैगोन । जों बयबो जौगानायनि लामायाव खौसेयै आगान सुरनांगोन।

बेखेवगिरि 2: नोंथांनि बुंनाय बाथ्राया साबगौ , नाथाय मोगथाडा बेनो दि बोखावनाया गासैखौबो जाथावना  
खालामो।

बेखेवगिरि 1: नडा नडा... जों खौसेयै हादोरखौ जौगानाय लामाथिं लानांगोन । जों बोखावनायनि गिरखंथाव  
जाथायफोरखौ फोजोबनांगौ।

बेखेवगिरि 2: नों मा सानो ...जों बयबो खौसे जानानै बे खौरांखौ गावनि खालामना लानो हागोन ?

बेखेवगिरि 1: मानो गावनि खालामना लानो हाया जानो ...बेनि थाखाय जों बयबो खौसे जाना  
थानांगोन आरो खौसेथि- -यानो जोंनि गोहो, बेखौ ज'थायनानै लानांगोन।

बेखेवगिरि 2: थिक दं, नाथाय बोखावजायै भारतनि बोखावनाय समाव आरोबाव मा मा जाबावदोमोन बेनि सोमोन्दै फोरमायबाव....

बेखेवगिरि 1: बेनि बागै बैसोरसो खिन्थानो हासिगोन , जायफोर बे जाथायजों मोगा मोगि जानांदों....

मेथाइ : वंदे मातरम , वंदे मातरम

वंदे मातरम , वंदे मातरम

वंदे मातरम , वंदे मातरम

फरायसाफोर: गुड आफ्टर नून सर....

फोरोंगिरि : गुड आफ्टर नून...सिट डाउन ...बिदिब्ला सिगांबावदिनि ...

बेनि उनाव खोनासंबावदो... अल-इन्डिया मुस्लिम लीगनि जथुमाया 9 जुन, 1947 मायथाइयाव गोदान दिल्लीनि इम्पीरियल ह'टेलाव जादोंमोन।

सेथि फरायसा: भारतारि मुस्लिम लीगजों लोगोसे बै समाव कंग्रेस आरो गोबां नेताफोरनि मावफुंनो हायै एबा नंखाय गावारि लुबैनायनि जाहोनाव बे थिरांथा लानायनि हेंथायै गोख्रोंडै हेंथा होनो हायासै। कांग्रेसनि नेता पं. जवाहरलाल नेहरू आरो मुस्लिम लीगनि जिन्नानि गेजेराव गावजोंगाव सैलायैनि जाहोनाव हादरा बोखावनायखौ सैनो गोनां जादों ।

सेथि फरायसा: बिदिब्ला ... सर...सर...बेनि उननि बाथाखौ आं माथिबावगौ....

फोरोंगिरि : आरे पूनम नोंथ' गासैबोखौनो मिथियो माथो... ओरैनोब्लाबो गियानखौ राननानै होयोब्ला बाडो ..गियानखौ राननानै हो .... सेथि फरायसा: लोगोफोर ... बैयाव बोखावनायनि दाबि खालामनाय थांखिखौ फ्राय बयनिबो गोरोबलायनायजों गनायथि होनाय जादोंमोन।

नैथि फरायसा : बेयो फारसेथिं 300 भ'ट मोनदोंमोन आरो बेरेखायै 10 ल' भ'ट मोनदोंमोन।

थामथि फरायसा : नाइयै नाइयै भारत आरो पाकिस्ताना खावनै बाहागोआव बोखाव जाबाय।

ब्रैथि फरायसा : धोरुमखौ बिथा खालामनानै बेंगलनि सानजा बाहागोआबो बोखाव जानानै पाकिस्तानजों सरजाबफाबाय ।

बिबौ :1946 आरो 1947 मायथाइयाव भारतनि गुबुन गुबुन ओनसोलफोराव जानाय हारियारि हिंसानि बागै आरो मुगैथाव हारियारि दाडाबाजिखौ गोबां बिजाबफोराव गुवारै लिरनाय जादों। बै साना 04 मार्च, 1947 मोन। पुलिसफोरा हिंदु आरो सिखफोरनि हानजा सुरनायाव गुलि गावदोंमोन ।



बुंथिगिरि 2: नाइये नाइये 6 मार्चनि फुंसिमाव , अमृतसर, जालन्धर, रावलपिन्डी, मुल्तान आरो सियालक'टजों लोकोसे पान्जाबनि नोगोरफोरा दाडा-बाजिआव साग्लोबजादोंमोन ।

बेखेवगिरि 1 : पान्जाबनि रुजुनायाव, बँगलाव जायगा सोलायनाय आरो थाफिन्नायनि मोनसे गुबुन आखु दंमोन, जाय जि बोसोर सिमहालागै सोलिदोंमोन।

बेखेवगिरि 2: बँगलनि सुबुंफोरा जोबोद खाफाल हावरियामोन ...

बेखेवगिरि 1: मानो ....

बुंथिगिरि 2: मानोना ... बँगलनि सुबुंफोरा खेबनै जायगा सोलायनायजों मोगा-मोगि जानादोंमोन...

बुंथिगिरि 1: खेबनै...खेबनै...

बुंथिगिरि 2: नंगो ..खेबनै ...खेबनै ...

बुंथिगिरि 1 : गिबियाव बिसरो गावसोरनि न'बांफोरखौ नागारनानै सानजा पाकिस्तानाव फैनादोंमोन।

बुंथिगिरि 2: बेनि उनाव बिसोर बैनिफ्राय खारलानानै सोनाब बँगलाव फैनादों..

बेखेवगिरि2: फंबाय... बैयाव बिबानगिरिफोरा बोखावनायनि जाहोनाव जानाय आंखालनि गिथावथिखौ बाडाइल' सानदोंमोन...

बेखेवगिरि 1: रोजा रोजा हिंदु न'खरफोरा ढाका आरो बेनि खाथि खालानिफ्राय खारलानानै सियालदहआव सहैयो....

बेखेवगिरि2: बिसरो गोरलैयै सौहैयाखै... लामायाव, आइजोफोरनि गहेनाफोरखौ सिख'ना लानाय जादोंमोन... बिसोरखौ बायदि रोखोमै साजा होनाय जादोंमोन.

बेखेवगिरि 1: हिनजावसाफोर, आयजोफोर आरो बैसो जानायफोरजों मानसि नडै आखु दिन्थिनाय जादोंमोन।

बेखेवगिरि 2: आइजोफोर, गथ'फोर एबा बैसो जानायफोरानो जा... बयखौबो गाज्जि आखु दिन्थिनाय जादोंमोन...

बेखेवगिरि1: नंगौ, बेयो सैथो... बोखावनायनि समाव आयजोफोरा जोबोद दुखु-खस्थ' सहायनादोंमोन।

बुंथिगिरि 2: लाख-लाख नखरफोरा गावसोरनि आंगोफोरनिफ्राय आलादा जादोंमोन।

बेखेवगिरि 1 : बेल' नडा, बैयाव मानसिफ्रा ट्रेनाव गोथांडै गाखोदोंमोन, नाथाय गोथै सह'नि थुबुर महरै बेवहाय सौफैदोंमोन... गथ'आ गाबनो हमो....

आबौ : गाबनो नाडा.....सिरि थादो...

गथ': आबौ ... ढाकानिफ्राय फैनाय बै मानसिफोरा मा जाखो आबौ? जायफोरहा गासिबो सिलिंखार जाजोबदोमोन ..

आबौ: बेनिबो जुनिय सल'दं फिसा ... जेरै बुंनाय दं ना ....ना न'नि जना थाखो ना हाब्रां बोरिनि जाना थाखो...

गथ': मानो बिदि?

आबौ: बिसोर गावसोरनि न'खौ नागारनानै बेवहाय फैदोमोन... अब्ला गावनि न' आवनो रिफिउजि जाना थानांबाय ...

मेथाइ: मेगननिफ्राय बोहैबोनाय , बे दुखुनि मोदें

मेगननिफ्राय बोहैबोनाय, बे दुखुनि मोदें

नागारनांनाय जिउ, खोमानांबाय लोगोफोर।

नागारनांनाय जिउ, खोमानांबाय लोगोफोर।

आखु 3 : सानजा पाकिस्ताननिफ्राय बेंगलाव ओरैबादि गोबां सुबुंफोर फैदोमोन दि गावसोरनि बाहागिफोरखौ थानो थाखाय रावनिबो न'आव से इन्सिबो जायगा गैयामोन।

आखु 4: सोनाब बेंगल सोरखारा चटगांव, नारायणगन्ज, बारीसाल आरो चान्दपुरनिफ्राय कलकातायाव रिफुजिफोरखौ लाबोनो थाखाय जिबा स्टीमारनि राहा खालामदोमोन।

आखु 3 : सुबुंफोरा सानजा पाकिस्ताननिफ्राय दै लामाजौ खारलांदोमोन... गोबां नावफोर... दैयाव गोदोदो...

साननैसोनि उनाव, दैनि बिखंआ गोजावनाय गोथै सह'फोरजौ खोबजानायमोन...

आखु 3 आरो 4 : बेबायदि मा जुनियामोन , जौनि बाहागोनि हायाव

जायखौ मोननो थाखाय जौनिफ्राय जौ गासैखौबो सेजा जोबबाय...

आखु 3 : बेंगल, पान्जाब, गुजरात, सिन्ध, फारफ्रोमथिंबो बोखावनायनि अरा जौब्लावखाडो।

आखु 4: सिंधनि सुबुंफोरा जायगा सोलायदोमोन आरो बेवहाय फैदोमोन, नाथाय... सिन्धखौ जौ माब्लाबाबो मोनाखै...

बुंथिगिरि 1: सिंधनिफ्राय गोसोखांबाय- बांसिन सिन्धी नखरफोरा राजस्थानाव फैदोमोन।

(सिंधी नखर म्हरे)

सिंधी हौवा: बोखावनायनि उनाव, लाख लाख रिफुजिफोरा पाकिस्ताननिफ्राय भारतआव फैदोमोन, आरो राजस्थाना बै रायजोफोरनि गेजेराव मोनसेमोन जेराव रिफुजिफोरा गोबां बिबांआव फैदोमोन।

सिंधी आइजो: राजस्थानाव, जांबादि रिफुजिफोरनि थाखाय रैखाथि आरो थांना थाफिन्नानो थांनाया मोनसे गेदेर जुजिनायमोन।

सिंधी हौवा: जों फैनानै राजस्थाननि हारिमुआरि सि-जोमआबो सोलायबाय।

जोंखौ गुबुन गुबुन नुनो हमबाय। जोंनि हारिमु, राव आरो आसार-खान्थि गासैबो सोलायबाय।

सिंध आइजो: सिंधआव आंहा मोनसे गिदिर फालांगि दंमोन। बेवहाय आंनि गथ'फ्रा सानसेयाव खेबनै जानायबो मोनाखैमोन।

सिंधी हौवा : बैआवहाय आंनि गासै गलाफोर आरो न'बांफोरखौ लुथिदोमोन।

सिंधी आइजो: बै हरखौ जों माबोरै गोसोखांनो बाबू... जेब्ला गावनि गथ'फोरखौ आखाइयाव लानानै आं खारदोमोन।

सिंधी हौवा : खारहोलां , थाखोमाहोलां, गावनि गोजाननि सोमोन्दोनि गंसे न'खराव बोरै बोरै जे राजस्थाननि बीकानेरआव सौहैखो ।

सिंधी आइजो: जोंनि गोबां खुरमा-बाहागिफोरा लामायाव गावसादोमोन, आरो बै समनिफ्रायनो जों बिसोरखौ नुवाखैमोन। माखासेफोरा झुंझुनुआव थादोमोन।

सिंधी आइजो: बिसोरबो मालाय जोंखौ बेसे गोबाव गावसोरजों लोगोसे लाफाबाय थानो हानो? जोबनायाव, जों मेंग्लिनानै रिफुजि बादायाव फैनांदोमोन।मिनि रंजा गोजोन न'खर, गामि , नोगोर माब्रै जोबसांलाडो बेखौ सोरबा जोंनाव सौना नाय ...

बेखेवगिरि 4 : पाकिस्ताननिफ्राय मानसिफ्रा जम्मू कश्मिरथिं खारबोबाय , पंजाब फारसे फैबाय, गुजरात, बँगल, राजस्थान फारसे लाख लाख सानखोनि मानसिफ्रा फैबाय ....

(सानैबो हांमा सुरनानै गाबनो हमो)

मेथाइ: मेगननिफ्राय बोहैबोनाय , बे दुखुनि मोदैं

मेगननिफ्राय बोहैबोनाय, बे दुखुनि मोदै

नागारनांनाय जिउ, खोमानांबाय लोगोफोर।

नागारनांनाय जिउ, खोमानांबाय लोगोफोर।

गथ' : आबौ ... आं आरोबाव जेबो खोनासंनो लुबैया...

आबौ : जागोन दे , आंनि फिसौ ...जॉनि हादरि जारिमिनानि बे गोसोम बुब्लिआनो औरैबायदि जायखौ रावबो खोनासंनो हाया... गोरबो गावग्लिहोनाय जाथाय ....बेखौ खोनासंब्ला अन्थाइ बिखा सुबुंआबो गलिलांगोन ...नोंलाय आरो उन्दै गथ'बावसो ... दानिया आं नोंनो बैखौ खिन्थानोसै जायखौ मावनांगौ ।

बेखेवगिरि 1 आरो 2: जेराव जिउनि मोनफ्रोमबो फुंआव मिनिस्तुनायजौं बुंफबनायमोन...

बैनि नुथायखौ नुनानै मोदैयाबो थैयाव सोलायबाय...

आखु 3 आरो 4: नोंखौ फाफिलयाव दैखांनायनि बजाया एसेबां गिलिरि नडा... जेब्ला उदखारि, दावहा आरो

अनागारिनि बजाजौं रुजुजायो...

बेखेवगिरि 1: जौं बै लाख लाख भारतारिफोरनि सिगाडाव खर' गंग्लायो, जायफोरा गावसानायनि गिरंथाव जाथायनि समाव जिउ खोमानांदोंमोन आरो जायगा सोलायनायनि सानायजौं मोगा-मोगि जानांदोंमोन।

बुंथिगिरि 2: जौं बयबो जॉनि हादोरनि खौसेथि आरो अखंडताखौ रैखा खालामनो थाखाय खौसेयै नाजानांगोन।

आखु 3: बोखावनायनि राजखान्थियारि गेलेमुआव, सासे फंबायनि गोसोआव गुबुन सासेनि बेरेखायै बिस सोना

होदोंमोन।

आखु 4: बे बिसजॉनो मानसिआ मानसिनि बेरेखा जादोंमोन, मानसिआ गावसादोंमोन आरो मानसिआ मानसिखौ खोमाना लादोंमोन। आरो जॉनि बोखावजायै भारतआ बोखावजादोंमोन।

आबौ: जा जाखांबाय बेयो जाखांबाय... खोनासं जॉनि मानिनां गाहाय मंन्थि बिथाइ मा बुंदों :

गाहाय मन्थि : हादरखौ बोखावनायनि दाहाया बावनो हाथाव नडा।सैलायै आरो हिंसानि जाहोनाव जॉनि लाख लाख बिनानावफोर आरो बिदा फंबाइफोरा होखारजादों आरो गावनि जिउ गारनांदों।

बिसोरनि जुजिनाय आरो बाउसोमनायखौ गोसोआव लाखिनो थाखाय 14 आगस्तखौ ' बोखावनायनि दुखुनांथाव गोसोखांथि सान' म्हरै फालिनो थाखाय आं थिरांथा लाबाय।

आखु 1 : जौनि गेजेराव जुदि सोरबा धोरोम आरो जातिखौ लानानै फाव फान्दायनाय, एबा सोरबा बानसावोब्ला... जौ बयबो बुरखायजानो नाडा....

बयबो : जौ बयबो बुरखायजानो नाडा ....

आखु 1 : भारत हादरखौ खौसेयै लाखिनांगौ।

बयबो : भारत हादरखौ खौसेयै लाखिनांगौ ।

आखु 4 : जौ दा सोरबा राजखान्थिगिरिजौ फान्दाय जाला ।

बयबो : जौ दा सोरबा राजखान्थिगिरिजौ फान्दाय जाला ।

आखु 4 : खौसेथि आरो गोरोबलायनायनि गेजेरजौ गोजोन सान्तिजौ आंगोनि भारत बिमाखौ जौगा होगोन ।

बयबो : आंगोनि भारत बिमाखौ जौगा होगोन ।

थारैनो फैदो ....जौ बयबो समायखिरा लादिनि...

भारत बिमानि जै .... भारत बिमानि जै .....

मेथाइ : वंदे मातरम ...वंदे मातरम ....

वंदे मातरम ...वंदे मातरम....

वंदे मातरम ...वंदे मातरम....

वंदे मातरम ...वंदे मातरम....